

Comharchumann Mhic Dara

An Crompán, An Cheathrú Rua, Co. na Gaillimhe
091-869750 | seancctr@gmail.com | www.ancheathrurua.ie



Fógra Poist

Oifigeach Pleanála Teanga

Tá Comharchumann Mhic Dara, An Cheathrú Rua, Conamara ag lorg duine cumasach le haghaidh Plean Teanga do Limistéar Pleanála Teanga na Ceathrún Rua a chur i bhfeidhm.

Duine gairmiúil dúthrachtach a bhfuil taithí agus cailíochtaí cuí aige/aici i réimse na pleanála teanga nó in ábhar gaolmhar, atá á lorg chun an Plean Teanga a fheidhmiú i gceann de na ceantair Ghaeltachta is láidre sa thír.

Is é Comharchumann Mhic Dara Teo an Ceanneagraíocht atá freagrach as an bplean teanga do Limistéar Pleanála Teanga na Ceathrún Rua a chur i bhfeidhm. Ullmhaíodh an plean mar chuid den phróiseas pleanála teanga sa Ghaeltacht agus i gcomhréir le forálacha Acht na Gaeltachta, 2012. Is plean seacht mbliana atá i gceist a bhfuil d'aidhm aige cur le seasamh láidir na Gaeilge sa phobal agus cur leis an líon cainteoirí laethúla Gaeilge san LPT. Is ar an Oifigeach Pleanála Teanga a bheidh an phríomhfhreagracht an plean a chur i bhfeidhm.

Post lánaimseartha ar bhonn conartha atá i gceist. Beidh an té a cheapfar freagrach as cur i bhfeidhm bearta an phlean teanga. Beidh an té a cheapfar fostaithe ag Comharchumann Mhic Dara Teo, agus freagrach don Chomharchumann maidir le clár oibre aontaithe a fheidhmiú.

Fáilteofar roimh iarratais ó dhaoine leis an taithí agus na cailíochtaí seo a leanas:

- Tuiscint agus taithí mhaith ar chúrsaí pleanála teanga, ar fhorbairt pobail agus i bplé le coistí/struchtúir phobail.
- Cailíocht ábhartha tríu leibhéal sa réimse pleanála teanga nó in ábhar gaolmhar.
- Taithí i mbainistiú agus i gcur i gcrích tionscadal.
- Ardchaighdeán Gaeilge, idir labhartha agus scríofa.
- Scileanna matthe cumarsáide, áisitheoireachta, comhordaithe agus idirphearsanta.
- Taithí i mbainistiú foireann oibre
- Eolas agus taithí ar bhainistiú airgeadais

Beidh an duine a cheapfar lonnaithe in oifigí Comharchumann Mhic Dara Teo, An Cheathrú Rua, Conamara.

Beidh 39 uair oibre sa tseachtain i gceist le cúraimí an phoist seo agus beidh freastal ar chruinnithe taobh amuigh de ghnáth uaireanta oibre mar chuid de na cúraimí sin. Beidh taisteal i gceist leis an bpost, mar sin ní mór d'iarratasóirí ceadúnas tiomána oiriúnach a bheith acu.

Tá scála tuarastail ó €35,000 go €50,000 ag gabháil leis an bpost ag brath ar thaithí agus cailíochtaí.

Tá an plean teanga don LPT le fáil ach teagmháil a dhéanamh le Bainistoir Comharchumann Mhic Dara.

Seoltar iarratas mar aon le cur síos gairid ar do thuiscint ar an bpost agus Curriculum Vitae, roimh

4.00in ar an 04ú Aibreán 2025 chuig:

Comharchumann Mhic Dara, An Crompán, An Cheathrú Rua, Co. na Gaillimhe H91 X4WH,
Teil: 091 869750.

ríomhphost: seancctr@gmail.com